

德化縣志卷第五十一

知德化縣事

高 榘原輯 鄒文炳再輯  
沈錫 三補輯 陳 鼎續輯

雜類志

類言雜何也言不一也地理建置學校等志暨於  
列傳備已加之藝文尤備已然嘗取志事譬之農  
家者流五穀咸登貯倉盈廩致為精鑿用備馨聞  
而其脫粟所遺糠粃雖細皆適用焉婦育蠶而繰  
絲以為黼黻文章及其繭絲餘緒質較粗而可治  
下及穢惡亦利農桑未嘗輕擲蓋物不一類事非

德化縣志

卷五十一 雜類

仙釋

一端兼收竝採非雜或不備也仙釋瑩墓祥異軼  
事諸不入正志者未可以不錄均以雜類收焉夫  
物不純謂之雜此雜之不善者也物適均亦謂之  
雜此雜之最善者也志於二者之義俱無所取要  
其備載之意則韓子嘗言之矣構榼侏儒椳闔扂  
楔匠氏之工所施以成室也敗鼓之皮牛溲馬勃  
醫師之良未嘗不竝著也志雜類

仙

周

方輔先生武王時人與李聃跨白驢入山煉丹得道仙去

惟廬存故名廬山見九微志府志

匡俗字君孝一日子希師老聃得久視之道結茅虎溪修煉七百年定王問太史伯陽神仙之在世者伯陽舉五嶽諸仙以對先生其一也因召之不應又二百年威烈王以安車迎之使未至先二日白日輕舉使者至惟得其草廬焉人因呼為匡山又曰匡阜兄弟七人皆有道術漢武帝元封五年南巡射蛟潯陽封為南極大明公稱廬君有廣福觀以專祀先生者在香谷西里許同上

德化縣志 卷五十一 雜類 仙釋

二

按惠遠記俗生殷周之際結廬山上因名廬山而通志謂俗父平野王當秦末同吳芮佐漢定天下而亡封俗於鄒陽及武帝南巡封南極大明公竟以為漢人不知何所本也。豫章記作匡續一名匡裕字君平

漢

劉越嘗邀康阜過其所居云山陰有石高三尺者吾宅也扣之即見我焉如其言往扣之果有二童子引見越越冠元玉冠朱紱劔佩飲阜以玉酒三爵延生湯一啜阜心知其異欲留居之未出口越曰子姑去他日來居未晚也乃出石在太平宮殿階下因號其石曰劉越洞天

今不知所在

上同

王長趙昇廬山乃第六十九福地王長趙昇二真人所理也見九微志

上同

梅福棄妻子去九江至今傳以爲仙人有見福於會稽者變姓名爲吳市門卒或云吳門乃洪州今吳門鎮去九江亦不遠矣

上同

劉綱漢時仙官謫居蓮花峯下奉章上帝救德化縣令張某之死

上同

劉德本鄂州人避亂廬山見鹿裘道者與行至五老峰下德化縣志

卷五十一雜類 仙釋

三

深澗中有大石門正闢一老扶策倚門立見德本卽邀與俱入乃大石洞也洞中別有天地風日和煦花樹芳蔚賈異人境行二三里有大宮殿金碧煥爛呵衛嚴整榜曰紫元景曜之門老人曰此九天使者所治也德本欲求見使者紫光元老人曰不可因復出門遂巡失老人及道者所在

上同

丁元貞遊康王谷谷有王莽時銅馬八而爲妖土人廟祀之其妖愈熾元貞得三洞法能役鬼神符勅銅馬徙廟於澗西其妖乃滅

上同

張施深隱棲谷中學老子術武帝聞而嘉之詔以其間爲  
康王觀隋道士張允真云後據嶄絕前俯泓渟神龍弄  
珠光照紺髮後兵燬復建宋熙寧中詔以爲景德觀建  
炎中復燬其後不知何時乃移於白龍灣同

老嫗不知所從來居康王觀時攬祭餘餉虎人畏惡之輒  
避去已而復來同

度索君真仙也昔有人見一着白布單衣者高冠冠似魚  
顧度索君曰昔廬山共食白李未久已三千年日月易  
得使人悵然去後度索君曰此南海君也同

德化縣志

卷五十一 雜類

仙釋

四

黃洞源桃源洞人也善道術劾治鬼神號三洞法師時有  
童子瞿柏庭以造異境得仙洞源慕之乃行求靈域得  
紫霄峯下石壇築庵居之又遷茅山其徒蕭冷然忽見  
柏庭問黃尊師無恙乎歸以語洞源源曰吾且去矣  
翌午遂逝洞今不知處同

李道冲潯陽人不如輩酒傳法錄於異人結庵紫霄峯而  
講莊老忽語人吾欲遠遊且不返眾未悟競沮留之及  
午而逝同

李鎮居雞籠山山上有石雞冠距如生鎮常玩之一日雞

忽無故自毀裂鎮曰雞既如此吾何以全果卒上同

晉

吳猛隱山得道者也廬山上有三石梁長數十丈廣不盈尺杳然無底猛弟子登山過此梁見一翁坐桂樹下以玉杯承甘露漿與猛又至一處見數人爲猛設玉膏猛弟子竊一寶欲以來示世人梁卽化如指猛使送寶還手牽弟子令閉目相引而過其山川明淨風澤清曠猛以二龍負舟一宿至洞庭湖上同

楊羲得道後與紫微夫人諸仙遊諸仙各授學口訣并說德化縣志

卷五十一雜類 仙釋

五

羣仙事跡楊錄其書司馬朗得之常有雷電光怪晉人陸修靜又得之遂成此道上同

陸修靜字元德吳與人簡寂觀道士與慧遠陶淵明友善遠送客不過溪過則虎輒嗥吼嘗送淵明修靜不覺過溪虎嗥吼相顧大笑世傳爲虎溪三笑後宋明帝召至建業立崇虛館以居之而會儒釋之士講道華嚴寺固請還山不許頃之卒封丹元真人修靜行常攜一布囊死之日其布囊乃懸於廬山舊隱之樹杪焉上同

宋樓鑰曰以吳筠簡寂觀碑考之修靜與慧遠相去八遠似非其人王禕經行廬山記慧遠卒於晉義熙十二年

年丙辰年八十二修靜沒於宋元徽五年丙辰年七十  
三丙辰相去六十載推而上之修靜生義熙四年丁未  
慧遠亡時修靜纔十三歲宋元嘉末修靜始來廬山是  
時遠公死已三十餘年靖節死已二十餘年安取所謂  
三笑乎或曰晉  
蓋有兩修靜云

董奉字君異閩之侯官人有道術住蓮花峯下爲人治病  
不取錢病愈者使栽杏數年計得十餘萬株鬱然成林  
乃使百禽羣獸遊戲其下竟不生草常如芸治後杏子  
大熟於林作一草倉榜示人曰欲買杏者不須報奉但  
將穀一器易杏一器去人有置穀少而取杏多者虎輒  
吼而逐之奉得粟盡以散之貧者嘗大旱縣令于彥謁

德化縣志

卷五十一雜類

仙釋

六

奉求致雨奉仰天視其屋曰貧家屋皆見天何可得雨  
耶于令卽身率吏士爲起屋屋成欲取水沃泥塤壁奉  
曰無庸日暮自當雨其夜果雨奉在人間百年其顏色  
常如三十許

同

唐

郝法遵廬山道士居簡寂觀道行精確獨力檢校已歷數  
年全無徒弟忽夢元中法師謂之汝無人力甚見勤勞  
今有二童子助汝特年小耳旣覺話於衆出山過民王  
家子方歲餘見法遵抱足不捨去則晝夜啼哭又有劉

氏子眼具五色光父母疑其怪與王氏兒相次捨入觀  
果符元中夢授之語矣同上

呂巖字洞賓蒲之永樂人也以四月生故號純陽子咸通  
中舉進士不第去遊廬山遇五龍君傳劍術又得長生  
之訣喜遨遊塵市中隱顯叵測嘗書蔣暉之門曰宴罷  
高歌海上山月瓢盛露浴金丹夜深鶴透秋雲碧萬里

西風一劍寒巖晚叅黃龍機月頤契云同上

按自叙云余本唐宗人名瓊字伯玉配金氏生子四甘  
美豐克少有術士相余眉稜目闊鼻聳項長面修而潤  
鬚茂而疎真儒者氣象但山根一痣當尅妻太陰下一  
痣當尅子獨喜鶴行龜息聲自丹田中出是乃遇仙得

德化縣志 卷五十一 雜類 仙釋

仙非凡庸之比後十歲能文章五十始登第授官而易  
治中適國難棄子攜妻卜築於洞時維兩口更姓曰呂  
因在山下易名曰巖時處洞中因字曰洞賓妻亡  
扁其號曰純陽子與今世所傳稍異附錄備覽

茅安道廬山道士能書符役鬼幻化無端曾授二弟子以  
隱形洞視之術曰資爾學道卽不得恣情而衍其術也  
苟違吾教能令術窮二子至潤州謁韓晉公滉弛慢縱  
誕韓大怒縛之二子行其術果不驗韓欲痛絕其源詰  
問術師姓名二子方欲陳術而安道已在門矣龐眉美  
髯韓不覺離席迎之安道曰二子愚駭于旨尊巖請詰  
而愧之然後行刑韓致二子堦下械繫甚堅安道就取

硯水喫二子化爲雙黑鼠自變巨鳶攫二鼠冲飛而去  
同上

崔道人久居廬山積香數斛一日盡發命弟子置五老峯  
下徐焚之默坐其上煙甚不辨忽躍起已在峯頂上  
同上

劉混成白鶴觀道士也觀有混成煉丹井搗藥臼及手種  
杉猶存杉本大丈餘然歲久中空上折子孫附生其間  
亦數尺圍矣  
同上

熊得融荊州人於九疑山遇異人得道隱廬山咸通二年  
坐逝  
同上

德化縣志

卷五十一雜類

仙釋

八

蔡尋真侍郎某之女李騰空宰相林甫女也幼並超異生  
富貴而不染貞元中同入廬山蔡居詠真洞天九疊屏  
南李居九疊屏北並以丹藥符籙救人疾苦九江守許  
渾以狀聞昭德皇后賜金幣闢土田已而蛻去門人收  
簪簡瘞於舊居鄉俗歲時祀之不絕後詔以詠真洞爲  
尋真觀騰空所居爲昭德觀  
同上

許堅字介石布裘道者也唐末居簡寂觀死金陵久矣宋  
景德中兵部侍郎陳靖遊廬阜堅出謁於洪井山談甚  
洽後靖至金陵乃知其已死焉  
同上



張璟乾甯中廬山書生以所業之桂州欲謁連帥張相至  
衡州犬啤灘損船上岸寢於江廟廟神延坐從容云有  
王立仁者罪合誅族吾爲其分理奏於嶽帝無人作奏  
璟爲草之旣奏蒙神喜以白金餅爲贈同上

南唐

譚紫霄泉州人寓廬山棲隱洞南唐王寵之出入金門號  
金門羽客廬山僧於溪澗勸亭苦大石橫置紫霄往見  
曰斯固易也因以指捻訣噴水錘其石應手如粉同上

保宗不知何許人及笄許聘矣忽有悟去爲道士入廬山

德化縣志

卷五十一雜類

仙釋

九

崇善觀却粒煉形元宗聞之詔赴闕引入禁中見諸嬪  
御賜甚厚詔新其宇尚書郎韓熙載撰記賜額曰眞風  
觀保宗慕蔡尋眞李騰空之爲人亦能以丹藥符籙救  
人疾苦老而有少容旣歿貌如生舉棺甚輕蓋尸解去

矣

同上

宋

陳搏字圖南號希夷子亳州人也嘗遊廬山有匡濟畧其  
踪跡常在京洛關輔間後隱華山雲臺觀遇五龍君傳  
睡法其所睡處輒數十日不起後終華山同上

錢朗字內光南昌人以五經及第開成中仕爲安南副都  
護光祿卿歸隱廬山師東嶽廟徐道士得補腦還元服  
煉長生之術年百五十歲諸元孫皆皓首而朗猶少容  
精神如四十許吳越王錢鏐迎至錢塘師事之逼而傳  
其術它日忽曰適爲上所召須去俄氣絕顏色怡暢如  
生異香滿室同上

洪志在青牛谷通經史善布算遇異人授六甲蕩魔祛疾  
之術隱廬山常乘青牛故稱同上

劉虛谷善修養著丹還篇能以智慧性斷煩惱歿乃至有

德化縣志

卷五十一 雜類

仙釋

十

無通用之秘朱文公常與往來談易論還丹之旨後步  
月登青牛洞絕頂端坐而逝同上

黃知微字明道世爲江州人得道佯狂謂之黃瘋子一衲  
百結寒暑不易行常攜兩囊隨所得雜投其中而不臭  
名曰錦香又善噫氣噫則經時不絕響徹雲漢素不攻  
詩而多佳句如溪雲拂地送殘雨谷鳥向人啼落花萬  
里碧雲開幕色一條銀漢在天涯之類皆可風詠死瘞  
宮側後從蜀寄書山中開函皆喪亂後所在道士姓名

也同上

胡用琮太平宮道士遇道流於雲堂留之飲酒既醉道流以刀剗土漑酒漱津和之成墨以授用琮投之几上鏗然有聲翌日視之紫磨金也其所剗土處有泉出焉甘而不竭故謂其堂曰授墨堂泉曰墨仙泉用琮初以墨研酒飲其半宿疾頓除由是厭人間事學道七十年顏如童子同上

楊權字正夫盱江人自少穎悟不羣聞張真牧有道行往從之真牧授以九返之術將別囑曰逢江莫行至泥則止慶元乙卯舟次九江泥沲嘴始悟臨津結茅日施符

德化縣志

卷五十一雜類

仙釋

十一

水時城中大疫飲其水者輒效遠近慕之嘉熙庚子二月語其徒曰吾於教門開化之事畧備爾等勉旃吾歸矣留頌而逝咸淳中封通慧孚惠真人同上

皇甫坦字履道臨淄人避地入蜀居峨眉山嘗暮行風雪中聞有人呼之者顧見一道士臥小菴中因留與抵足眠坦自覺熱氣自兩足入蒸蒸浹體甚和適比曉道人曰可訪我於靈泉觀坦往訪之始知所遇者妙通真人朱桃樵也後復會酒肆中盡得其坎離虛實之旨內外二丹之秘常宴坐不寐頂有珠光紹興中顯仁太后患

目瞽醫不能瘳太后夢黃衣道士髯而長耳自言能治高宗詔物色之得坦召見慈甯殿坦噓呵布氣瞽即脫瞭然矣又瘳仙韶甄孃躄亦愈辭還山所賜皆不受詔築室廬阜以便往召賜御書清虛菴額繪坦像御贊之

同上

白玉蟾瓊州人姓葛名長庚嘗任俠殺人亡命之武彝事陳泥丸爲道士自稱靈鶴童景洞天羽人善幻好詭誕之行往來廬山揮灑文墨信筆而成山南北諸佳勝並有題咏而太平官爲多紹定己未冬解化賜號養素真

德化縣志

卷五十一雜類

仙釋

十二

人

同上

元

李武徽州歙人也客遊江湖遇異人授以仙術施藥愈病屢驅旱魃後於邑之鳳山嶺結茅爲廬精修數年道成一日於酷暑暴卒曝尸日中旬餘不朽牧童異之投以石礫輒有銅錢觸石而返於是羣兒競投以石大者得金小者得錢石聚成塚金錢遂絕後有見其在逍遙山者啟視其塚衣履存焉里人益異建廟塚傍祈求大驗號爲真仙亦曰大仙

同上

明

周顛詳見古蹟

桂心淵隱居飛雲洞人謂之桂瘋子後尸解去府志

孫化南不知何許人天啟間愛廬山詠真洞幽秀作墓園

其側垂成投身以入而封之留一竇劣通清濁朝夕誦

皇經禮北斗其術以清淨自然為宗坐圜三載一夕吐

三昧火鬚眉皆焦遂蛻去同上

釋

晉

德化縣志 卷五十一 雜類 仙釋

十三

慧遠姓賈雁門樓煩人受法於沙門道安太元間抵潯陽

見廬山愛之以杖著地曰有泉當任忽泉迸出乃誅茆

為庵曰龍泉精舍時慧永居西林遠居其林之東謂之

東林經營之際山神降靈雷雨辟地良材委積州將桓

伊驚其神異表立寺焉名其殿曰神運時與劉遺民等

十八人結白蓮社以書招陶淵明淵明日潛性嗜酒法

師許飲即往矣遠許之遂造焉因勉以入社淵明攢眉

而去謝靈運恃才傲物見遠肅然心服靈運欲入社遠

拒之府志

慧持遠之弟也冲默有遠量長八尺精究經論爲廬阜三千僧冠後入蜀住龍淵寺旋又他適不知所終宋宣和二年嘉州奏風雷折古木中有定僧鬚髮蔽體爪甲繞身事聞詔輿至京師有西天總持以金磬覺之間其世族曰遠法師弟慧持也因遊峨眉至此問欲何歸曰陳留古樹中詔以禮送之因圖形製讚云同上

慧永姓繁河內人居西林耽好經典善於講說道業不下遠公而真素自然尤過於遠將軍何無忌常與二宿集於虎溪遠既久馳名望從徒百餘雍肅有序永衲衣半

德化縣志

卷五十一雜類

仙釋

十四

脛飄然而來無忌謂象曰清穆之風多於遠矣同上

佛馱耶舍罽賓人聰明強記宏始元年譯諸經典施絹萬疋不受南入廬山與慧遠會蓮社舉鉢如意示遠遠不

悟卽拂衣去同上

辟蛇尊者慧遠弟子也不知所從來以善辟蛇名

伽提婆本姓瞿曇罽賓人善通經典慧遠請入廬山提婆乃於般若臺手執梵文口宣晉語去華存實務存義本今之所傳蓋其文也同上

佛馱跋陀羅迦羅衛國人甘露梵王之苗裔也秦沙門智

嚴等入長安講讚大乘咸覲元奧忽爾西望曰適見東國五舶俱來衆疑虛誕遂出之廬山未久五舶俱至服其靈通卽持佛舍利五粒建塔於寺北至今塔存上同

**道生**魏氏鉅鹿人幼從竺法汰出家初依廬山常以入道之要慧解爲本乃與僧叡慧嚴慧觀等遊學長安從羅什受業常歎曰自經典東流譯人重阻多滯權文鮮通圓義若忘筌得魚始可與言道矣乃立善不受報及頓悟成佛義著二諦論佛性常有論師入虎邱山聚石爲徒講涅槃經羣石皆爲點頭旣而辭衆復投廬山預蓮

德化縣志

卷五十一雜類

仙釋

十五

社久之還都宋文帝大會沙門筵食良久衆疑過中帝曰始可中耳生乃曰日麗天天言始中何得非中遂舉箸而食一衆從之莫不歎其機辯元嘉十一年於廬山升座說法將畢隱几而化葬於廬山西阜上同

**僧叡**冀州人遊歷天竺諸國還至關中從羅什諮稟經義久之來廬山依遠公旣適京師止烏衣寺講說衆經彭城王義康以貂裘奉謝靈運常以經中字音求證因爲

著十四音訓

上同

**曇順**黃龍人與道生僧叡俱從羅什講譯羣經妙盡色塵

無相之旨後來廬山同修淨業甯蠻校尉劉遵孝於江陵立寺要師經始盛宏念佛三昧之道同上

通敬琅琊王氏祖凝之敬從遠公出家年十七博通經論每歎戒律終身難全願淨六根但稟一戒遠公許之篤志念佛蚤夜弗替遠公歸寂乃入若耶山同上

曇恒河東人童儒依遠公出家年十三通貫內外典籍德行清孤常有羣鹿馴遶座隅同上

道昞潁川人陳氏幼為遠公弟子通經典兼明莊老義熙十四年豫章太守王虔入山謁敬請紹遠公之席同上

德化縣志 卷五十一 雜類 仙釋

曇詵廣陵人亦遠公弟子註維摩經又能別鳥獸毛色鈍銳之性洞曉草木枝幹甘苦之味人知其有密證云同上

曇翼餘杭人初入廬山依遠公後往關中見羅什東遷會稽入秦望山同上

僧濟太和元年入廬山從遠公受學遠每謂曰共吾宏佛法者爾其人乎感疾遠遺一燭濟執燭停想觀無量壽佛接置於掌自省四大無疾苦同上

曇邕姓楊關中人事遠公為師屢為入關致書羅什不憚疲苦於廬山西南營立茅宇弟子曇果山神求戒果曰



師在可往諮受後少時邕見一人著單衣帽風姿端雅從者二十餘人請受五戒爲法神觀以外國七箸禮拜辭別倏忽不見同上

景超素持戒範若護浮囊性惟矢直言不面從及乎遊方選勝至廬峯便有休息意嘗禮華嚴經一字拜之計已二徧乃燒一指爲燈供後慶禮經周次禮法華經同前身膚內隱隱出舍利磊落圓瑩或有求者坐席行地捨之無算廬阜遊者致禮嗟歎而已同上

宋

德化縣志

卷五十一雜類

仙釋

十七

慧安學通經義以專戒見稱誦經三十餘萬言止廬山淩雲寺學徒雲聚常提一杖云是西域僧所施杖光色炯徹頗有香氣上有梵書人莫能識後入關羅什見大驚曰此杖乃在此間耶因譯其字安後以杖贈外國僧波沙那那賈還西域同上

僧瑜姓周餘杭人元嘉中與同學曇溫慧光等於廬山共建精舍名曰招隱瑜常以爲結累三塗情形故也情將盡矣形亦宜捐孝建二年集薪爲龕是日密雨瑜乃誓曰所志克明天當清明言已雲景明霽便入新龕中誦

藥王品火燄交至猶合掌不散道俗知者奔赴瀨山卒  
後旬有四日瑜房中生雙桐根識者以爲娑羅寶樹因  
號爲雙桐沙門同上

慧慶廣陵人居廬山寺清潔有戒行每夜誦經常聞暗中  
有彈指讚歎聲後於小雷遭風竟以獲免人以為持誦  
之誠云同上

關公則入廬山白蓮社既逝有同社人於洛陽白馬寺爲  
公則修忌祭忽一時林木殿宇皆作金色空中有聲曰  
我是關公則祈生極樂國今已得生矣言訖無所見同上

德化縣志 卷五十一 雜類 仙釋

梁

道珍梁初住廬山夢有人乘船向阿彌陀國珍欲隨去船  
人云未作淨土業謂須經營浴室并誦阿彌陀經既覺  
即如夢所作久之於房中山池降白銀臺珍記其事置  
經函中及卒之夕半山以上如列數千炬火近村人悉  
見之旦就山尋訪乃云珍卒後因檢經中始知往生事  
同上

法歸廬山峯頂寺僧也本住襄陽漢陰感夢有神來請遂  
至一山遊歷諸處忽然驚覺乃尋夢而往及登廬山峯

頂凡樹石寺塙宛如前夢因而結宇遂終山焉上同

慧景清卓出類卒後反握兩指人將伸之還屈當景卒日  
山峯松樹並雨甘露今名甘露峯是也上同

道融梁初人住東林寺篤志沈博遊化江陵晚還廬山獨  
宿逆旅時天雨雪中夜始眠見有鬼兵甚衆中有一鬼  
將帶甲挾刃據羌牀坐乃對融厲色揚聲曰君何謂鬼  
神無靈耶速曳下地融默稱觀世音聲未絕卽見所住  
牀後有一天將可長丈餘著黃皮袴褶手提金剛杵搥  
之鬼便驚散甲冑之屬卒爲塵粉上同

德化縣志

卷五十一雜類

仙釋

十九

國道者廬山雙溪院僧也愛廬山秀異卜築草舍灌園植  
蔬任人掬去不禁或問之曰貧道無心而種無心而捨  
也上同

隋

法充姓畢江州人住廬山半頂化城寺每勸僧衆無容婦  
女人寺上損佛化下墜俗謠世多不從充歎曰正教不  
行義須早死遂從香爐峯自投而下誓粉身骨用生淨  
土後有人上峯頂路望下千餘仞聞人語聲就而尋之  
身命猶存僧感其死諫爲女人經又六年乃卒上同

智光江州人居論師之學士也開皇間勅召居公光從  
京晚厭談說歸靜林泉尋還廬山屏絕人事卒於山今

同上

智鑑姓夏侯豫章人住廬山造大林精舍又治西林二十

餘載足不下山文帝勅召稱疾不赴同上

慧雲姓王太原人幼依大林智鑑出家慷慨時俗精厲歸

從獨異恒倫同上

慧達姓王襄陽人雲遊諸勝多所修造晚依慧雲遂止廬

阜造西林重閣七間悉用黃楠構求幽險久乃得就後

德化縣志 卷五十一 雜類 仙釋

二十

忽南斜取正無方忽有猛風北吹還正同上

天志開皇十年來遊廬山住峯頂寺介爾一身不避虓虎

冬夏一服形極鮮白脣如丹畫言詞爽朗又善文藻同上

唐

道暉姓周汝南人開皇十二年依大將軍周羅暉遠居廬

山止東林精舍匿跡潛修貞觀二年夜忽天星大墜翌

日跏坐而卒諸殿閣門一時自開異香滿寺同上

道一漢州什邡縣人姓馬開元中習禪定於衡山遇讓和

尚密受心印相傳一嘗遊嵩馬祖山山之魑魅歛跡避

去故山寺石泉洞俱以馬祖名云同

香巖閑住了髻山寶巖寺初閑以辯博聞往依瀉山估甫  
入門瀉山即斥遊杜其口不使置一辭涕泣辭去止南  
陽佛舍嘗自芟草擲瓦礫擊竹有聲忽大悟歸禮瀉山  
瀉山始首肯之同

熙怡姓曹桂陽人大歷五年躋五老峯望彭蠡臨瀑布構  
凌雲精舍後止大林寺貞元中歸東林戒壇院行住坐  
臥無非道場同

靈徹與韋丹為忘形友丹為江西觀察使徹住東林丹寄

德化縣志 卷五十一 雜類 仙釋

三

以詩見詩錄徹酬曰年老身閑無俗慮麻衣草坐亦容身  
相逢盡道休官去林下何曾見一人後徹不久亦去權  
文公有送徹上人序同

祖可蘇伯固之子養直之弟也常住廬山詩多佳句如懷  
人更作夢千里歸路欲迷雲一灘窓間一榻篆烟碧門  
外四山秋葉紅皆清新可喜徐師川作畫虎行末章云  
即今老舊無新句尚有廬山祖可師同

神湊姓成京兆人生而奇秀卅角出塵遠慕戒律大歷八  
年制懸經論律三科策試天下出家者中等第方度湊

應是選詔配九江興果精舍後從僧望移居東林寺有  
甘露戒壇白蓮池在焉同上

五代

若虛隱於廬山不出石室南唐王累徵不就惟言老僧無  
能甯銷歸心若更相呼竄入深山矣乾祐中盛夏坐逝  
終身不沮壞同上

行因受旨鹿門真抵廬山佛手巖下有石窟可三丈餘因  
宴處其中嘗有異鹿錦囊烏馴擾其側南唐王三詔不  
起一日謂旁僧曰日午吾去矣及期下床行數步屹然

德化縣志 卷五十一 雜類 仙釋

立化巖上有松一株同日枯死同上

緣德南唐李氏建寺廬山石耳峯下延德主之開基日地  
中得金像大士賜名圓通宋曹翰屠江州以兵入寺德  
坐不起怒曰而知有殺人不睨眼將軍乎德曰而亦知  
有不畏死和尚耶翰異而禮之以聞太祖詔賜號道濟

寺名崇勝同上

宋

臥雲僧太平興國時有僧入謁太宗問從何來僧曰廬山  
臥雲菴太宗曰朕聞臥雲深處不朝天何以到此僧無

以對府志

護國和尚住廬山僧問佛未出世時如何曰雲遮大海中

世後如何曰擘破鐵圍山同上

雙溪田道者嗣馮仰宗為南嶽五世孫住廬山同上

虎溪菴主南嶽五世孫嗣隱居東林同上

常總嗣法黃龍南元豐初革東林律寺為禪席王學士韶

出守南昌舉總主之同上

自遵正覺其名也任東林為南嶽十三世法嗣同上

佛印名了元浮梁林氏子也遊廬山謁圓通訥訥驚其翰

德化縣志 卷五十一 雜類 仙釋

墨曰骨格已似雪竇後來之後也後主江州承天同上

居訥梓州人初讀華嚴有省得法雲門後入廬山住圓通

仁宗以綠綈尺書召主孝慈訥稱疾不起而薦大覺璉

今璉菴基猶存鐵船峯側同上

大覺璉居廬山巖棲澗飲二十餘載至今菴基猶存鐵船

峯側宋皇祐間居訥薦之應詔賜紫於是道名大顯同上

守端白雲端穎悟不羣居訥一見自謂不及舉主承天名

聲炫耀大振宗風元佑間有鐵佛乘石船於江上托夢

於寺僧江岸相迎翌日至江岸果見鐵佛迎寺尋祀同上

大慧果九江太守朱某延說法於能仁舊志云果居廬山寶慶寺與無垢唱和泉石多佳句同上

賢蓬頭江州人瀉山真如和尚會中角立者見地明機鋒捷有超師之作主郢州興國示寂肉身不壞同上

慧圓嗣法臨濟遊廬山住東林貌陋衆戲侮之一日忽足顛而仆了然大悟作偈書壁曰這一交這一交黃金萬

兩也合消頭上笠腰下包清風明月杖頭挑即日離東林照覺聞之令人迹其所往竟無知者同上

法因菴主遊方至東林謁慧一曰舉靈雲悟道機語問之德化縣志

卷五十一雜類 仙釋 有契在匡山三十餘年不與世接同上

法闕上座南嶽下法嗣住東林同上

卮菴道顏住東林久參圓悟悟還蜀囑依妙喜朝夕質疑方得大悟同上

常賢嗣大瀉秀法為黃龍南之孫宋哲徽間住西林同上

慧朗住廬山化城寺文益法嗣講經臺北有朗公巖相傳宴坐處也同上

鑒禪師住化城寺嗣法雲門僧問佛法畢竟成得甚麼邊事鑒曰雲有出山勢水無投澗聲問如何是向上關楨



子鑒曰拔劍擾龍門同上

可遷名真覺來廬山就巖而居三載始住圓通東坡嘗作

詩訪之嗣法臨濟南嶽下十三世孫也同上

懷賢溫州人熙寧三年劉述守九江以圓通召賢欣然而

來工詩字所著咏頌文集凡五卷同上

道旻倡道於圓通號旻古師其歿也天子賜葬大臣勒碑

明崇正初塔圯九江文士宏卜修焉啓視塔銘年月日

時悉符前記同上

行機因看斫樹倒地忽然大悟郡守林叔達請主圓通講

德化縣志卷五十一雜類仙釋

席開法數年歸者雲集同上

承古西川博學諸生也謁南嶽雅雅許入室遊廬山居宏

覺塔院號古塔主後范文正公守饒召古主薦福同上

悟本江州人妙喜弟子初參狗子無佛性一夕大悟趨方

丈未及吐詞喜曰本鬚子這回日本鬚子這回方是徹

頭也同上

元

崇裕住圓通初緣得示寂纍青石爲塔語其徒曰此塔若

紅卽吾再來豎旻來鎮法席塔果紅色旻臨終復懸記

有三百年後大興佛事之識裕入院時眾夢見至  
又燎然有光自昃至裕適符其數焉府志

善學號古庭東林僧也久依寶覺簡講席簡深契之曰學  
上人可謂名實相副者矣同上

中峯本住東林趙子昂馮海粟皆與往來其作菴也二公  
為之躬運土木募建東林疏碑係子昂書今殘缺殆甚  
猶存出木池壁間同上

明

覺顯湖口人元末祝髮彭澤正覺寺後入廬山證道山頂

德化縣志

卷五十一雜類仙釋

三

祖師塋即太祖所賜葬處也洪武初赤腳赴闕言國祚  
上不報歸廬山因號赤腳云又四年上患熱疾殆甚顯  
與徐道人訪天眼尊者坐食頃周顛披草衣至天眼曰  
彼所持方今至尊所訪也命顯送藥服之病立愈詳見

御製碑記中

府志

天隱住廬山常抱疾有詩曰雨餘白石氣如炊濃綠陰中  
霽景遲經月未行菴下路樹禽引子去多時王緯守南  
康請住兜率寺即他徙同上

但哈穆永樂間入廬山棲水簾洞語言都莫辯久之乃省

世壽一百七十四同上

不佞道人天順間居廬山石室題其壁曰一上一上一上上

匡廬山眼觀四海身在五雲間芳草連天齊遮鸚鵡

落花滿地亂點鷓鴣斑洗鉢池邊浪生龍戲躍講經臺

畔風嘯虎生寒此處百丈紅塵飛不至清風明月讓與

道人閑後徙去莫知所終同上

智瑛正統初住廬山雲溪寺死之日預報諸菴云吾將遷

化當有風雷之警及期天朗霽無纖雲咸疑其言幾罷

去既午疾風震雷掣茅墜瓦視瑛已化矣同上

德化縣志卷五十一雜類仙釋

三

智素號靜安正德初結廬於赤脚僧塔之側曰林隱院即

今霞封寺有林隱語錄行於叢林同上

廣聰號古拙濠梁譚氏子也徧參海內晚聞廬山靜安和

尚高風得入堂奧付囑為高峯下九世孫卜築擲筆峯

下曰彌陀菴與泉石為緣潛修不出葛中憲寅亮易菴

名曰火蓮院同上

性空山東人愛廬山卓錫青龍菴空雖濫於外緣而精進

不欺斬然苦行可為僧範羅洪先為撰碑銘同上

了堂字徹空手建黃龍寺堂初行玉屏峯下心愛之千鹿

成羣不可得近堂默祝日使此間於我有緣羣鹿當徒  
翌日再往不見鹿踪同上

仁敬筋竹坪千佛寺開山僧也吳國倫鄧以讚曾問道於  
山中凡剏建多賴其力同上

法船寶坻人遊廬山養鹿池遂卓錫焉時大小精舍四十  
餘處皆以船爲宗同上

無學九江陳文初也其祖舉乙酉孝廉其弟乳初辛卯領  
解文初自幼伉俠耻與俗子腐儒共食棗棧奮志披染  
死後茶毘棄之江忽放寶光江水湧起遂成一洲謂之

德化縣志

卷五十一雜類

仙釋

二天

無學洲廬陵青原諸志載之甚詳同上

慧燈郟城人登廬山荳葉坪傍就竹影宴坐人踪罕至有  
採藥者遙望一僧跌坐如土塑反道其事山中始知有  
燈公云同上

海賢霁國許村洪氏子遊廬山居東林見遠公所遺千僧  
鍋埋荆棘間中心傷之乃迎三昧律師入主東林遠近  
從風開鍋飯僧叢林大振同上

三昧寂光律師也萬歷間任東林乙卯至庚申凡六載闡  
揚靜土宏宣梵網四方學者如草從風後選江淮江神

爲之請戒晚寓金陵預定時日端坐而逝上同

一如照真竟陵人住西林適給事中景陵王鳴玉謀修復

乃再建西林塔殿上同

國朝

修遠字石照吉州人博通三藏經旨不明燃指爲誓疏注

諸經刻行於世蘆林陸寓航其隱修處也府志

最弱號石生德安蔣氏子年十二白父母求度披染於石

隱清涼公徧叅諸方入閩聞名請主開善寺所注經帙

並語錄皆行於閩歿歸匡山建塔石隱之巔其狀貌奇

德化縣志 卷五十一 雜類 仙釋

三九

偉眉宇蒼然世指爲達磨再出客有請讚初祖圖者援

筆題曰人說我似你我說你似我除却你我心無可無

不可上同

埋菴杭州人禪林尊宿游廬山愛遠公白社僦居上方塔

別去其剃度弟子朽木施茶九江數年惻念江上往來

禪門絕少接待手闢荒蕘建立普潤菴雲水游踪得依

憩息勤修勝果可謂不負良師者矣上同

志元號古巖繼起儲禪師法嗣也住西林三載宗風大振

修葺法堂次第完備元歿葬於寺之西與照覺摠塔時

立如雙玉柱云同上

妙光九江謝氏子投孤山白泉寺將逝積薪舉火火不即  
燃手自灼紙取焰煙霧中恍見金色如來乃建塔寺側  
同上

秀恒楚僧叅雲居顯得契宗旨辭赴九江放生十有六年  
生平不設床榻硬坐如枯椿一日見二童引幡曰上士  
持念佛咒能不間停應證阿羅漢果乃先期走別檀越  
端坐而逝同上

明成字雲籽玉琳琇孫丁安法嗣俗姓陳瑞邑人肆力禪

德化縣志

卷五十一雜類

仙釋

三

宗不憚堅苦後遂有心得藩司許兆麟訪焉與談終日  
戲謂曰寺頽矣和尚何處安身立命曰處處都是然嘗  
力闢榛棘寺以重興卒年七十五著憩白語錄詩鈔同上

悟徹號留雲本邑人少祝髮於廬山彌勒堂性聰慧工詩  
畫淡泊介靜敝衣蔬食晏如也遇文墨人敬禮劇談無  
倦色而尤戒律精嚴主錫西林寺方丈七載著有闕草  
詩本徒孫衣南號達寶能守其法教爲能仁寺主錫同上

超空字隱微號仲果海陽人少年祝髮早悟道心爲宏覺  
道忞國師嫡孫本可法嗣初開楚武穴棲賢禪院晚住

廬山西林寺刊有兩會語錄石香詩集太守朱儼作記  
法子知旨亦有語錄並雲香詩集同上

德化縣志

卷五十一 雜類

仙釋

三